

PEMBERITAHU PERTANYAAN DEWAN RAKYAT

PERTANYAAN : LISAN

DARIPADA : Y.B. DR. TAN SENG GIAW [KEPONG]

TARIKH : 11.3.2015

SOALAN :

Dr. Tan Seng Giaw [Kepong] minta **MENTERI PENDIDIKAN** menyatakan kriteria untuk meluluskan pembinaan kolej perubatan. Berapa graduan berkualiti akan dikeluarkan setiap tahun dari 33 buah kolej.

JAWAPAN

Tuan Yang di-Pertua,

Untuk makluman Ahli Yang Berhormat, kriteria standard yang perlu dipatuhi bagi penubuhan institusi pendidikan tinggi swasta (IPTS) adalah terpakai untuk semua bidang pengajian termasuk perubatan seperti berikut:

- (a) Kewangan syarikat yang kukuh;
- (b) Kualiti kursus pengajian;
- (c) Kakitangan akademik;
- (d) Pengajaran dan pembelajaran;
- (e) Pengurusan (governance);
- (f) Penglibatan dalam aktiviti penyelidikan dan pembangunan;
- (g) Pengantarabangsaan; dan

(h) Kampus yang kondusif.

Bagi penubuhan institusi yang ingin menawarkan kursus pengajian dalam bidang perubatan, perkara ini akan dirujuk kepada Majlis Perubatan Malaysia (*Malaysian Medical Council*, MMC) untuk ulasan dan kelulusan. Walau bagaimanapun, pada masa kini Kerajaan telah memutuskan untuk melaksanakan moratorium (pembekuan) ke atas penawaran kursus baharu bidang perubatan untuk tempoh **lima (5) tahun berkuatkuasa 1 Mei 2011**.

Sehingga tahun 2014, KPM telah meluluskan sebanyak 26 kursus perubatan kepada 21 buah IPTS untuk ditawarkan. Bilangan pelajar yang bergraduasi dalam jurusan perubatan bagi tahun 2014 adalah seramai 610 orang.